



Broj: 07/1- 0630 -UO/26
Sarajevo, 12.6.2026. godine

Na osnovu člana 16. Statuta Javne ustanove „Služba za zapošljavanje Kantona Sarajevo“ Sarajevo (br: 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012. godine i 05/1-0867/16 od 27.06.2016. godine) Upravni odbor Javne ustanove „Služba za zapošljavanje Kantona Sarajevo“ Sarajevo je na 28. redovnoj sjednici održanoj dana 12.6.2026. godine donio

ODLUKU

**o donošenju Poslovnika o dopuni Poslovnika o radu Upravnog odbora Javne ustanove
„Služba za zapošljavanje Kantona Sarajevo“ Sarajevo**


I

Donosi se Poslovnik o dopuni Poslovnika o radu Upravnog odbora Javne ustanove „Služba za zapošljavanje Kantona Sarajevo“ Sarajevo.

II

Ova odluka stupa na snagu danom donošenja i ista će biti objavljena u Službenim novinama Kantona Sarajevo i na web stranici Javne ustanove „Služba za zapošljavanje Kantona Sarajevo“ Sarajevo.





Na osnovu člana 27. Zakona o ustanovama („Službeni list R BiH”, 6/92, 8/93 i 13/94) i člana 16. i 18. Statuta Javne ustanove „Služba za zapošljavanje Kantona Sarajevo“, Sarajevo (br. 05/1-3306/08 od 22.05.2008. godine, 05/1-0224/12 od 08.02.2012. godine, 05/1-0542/12 od 21.03.2012.godine i 05/1-0867/16 od 27.06.2016. godine), Upravni odbor na 28. redovnoj sjednici održanoj dana 12.6.2026.godine, d o n o s i

**POSLOVNIK O DOPUNI POSLOVNIKA O RADU UPRAVNOG ODBORA
Javne ustanove „Služba za zapošljavanje Kantona Sarajevo” Sarajevo**

Član 1.

U poslovniku o radu Upravnog odbora Javne ustanove „Služba za zapošljavanje Kantona Sarajevo” Sarajevo broj: 09/1-12431-UO/22 od 13.7.2022. godine, iza člana 6. dodaje se novi član 7. koji glasi:

„Član 7.”

- (1) Radi potpunijeg i tačnijeg sačinjavanja zapisnika, sjednice Upravnog odbora mogu se tonski snimati.
- (2) Tonsko snimanje sjednice vrši se isključivo u svrhu sačinjavanja zapisnika i ne može se koristiti u druge svrhe.
- (3) Prije početka svake sjednice predsjednik, a u njegovom odsustvu zamjenik predsjednika je dužan upoznati sve prisutne da će se sjednica tonski snimati, kao i koja je svrha snimanja.
- (4) Tonsko snimanje može se izvršiti samo ako su svi prisutni članovi i druga lica koja učestvuju u radu sjednice prethodno dali izričitu pisanu saglasnost za obradu ličnih podataka – glasa, odnosno Izjavu o saglasnosti za tonsko snimanje sjednice, a u svrhu sačinjavanja zapisnika sa konkretne sjednice.
- (5) Obrazac Izjave o saglasnosti za tonsko snimanje sjednice iz stava (4) ovog člana čini sastavni dio ovog Poslovnika o dopuni poslovnika o radu Upravnog odbora Javne ustanove „Služba za zapošljavanje Kantona Sarajevo” Sarajevo kao Prilog 1.
- (6) Potpisane saglasnosti, tj. izjave o saglasnosti za tonsko snimanje sjednice iz stava (4) ovog člana prilažu se uz materijal sjednice i čuvaju u dosjeima sa sjednica Upravnog odbora.
- (7) U zapisniku sa sjednice se obavezno konstatuje da je sjednica tonski snimana, da su prisutna lica dala saglasnost, odnosno potpisala izjavu za tonsko snimanje, te da je snimanje izvršeno radi sačinjavanja zapisnika.
- (8) Pristup tonskom zapisu imaju predsjednik, zapisničar i druga lica koja za to posebno ovlasti Upravni odbor, isključivo u svrhu izrade potpunijeg i tačnijeg zapisnika.

(9) Tonski zapis se čuva do usvajanja zapisnika sa sjednice na koju se odnosi, te je zapisničar dužan nakon usvajanja zapisnika, trajno obrisati tonski zapis.

Član 2.

Dosadašnji članovi od člana 7. pa nadalje, pomjeraju se za jedan redni broj i postaju članovi 8. i naredni.

Član 3.

Poslovnik o dopuni Poslovnika o radu Upravnog odbora Javne ustanove „Služba za zapošljavanje Kantona Sarajevo“ Sarajevo stupa na snagu danom donošenja i bit će objavljen u Službenim novinama Kantona Sarajevo i na web stranici Javne ustanove „Služba za zapošljavanje Kantona Sarajevo“ Sarajevo.

Broj: 07/1- 0630-1 /26
Sarajevo, 12.6. 2026. godine



U skladu sa odredbama Zakona o zaštiti ličnih podataka („Službeni glasnik BiH“, broj: 12/25), čiji cilj je osigurati zaštitu ljudskih prava i temeljnih sloboda, a naročito pravo na zaštitu obrade ličnih podataka koji se na njih odnose, dajem sljedeću

**IZJAVA O SAGLASNOSTI ZA TONSKO SNIMANJE SJEDNICE
UPRAVNOG ODBORA „JAVNE USTANOVE SLUŽBA ZA ZAPOSŁJAVANJE
KANTONA SARAJEVO“ SARAJEVO**

Ja, _____, kao:

- Predsjednik Upravnog odbora
- Član Upravnog odbora
- Direktor Javne ustanove „Služba za zapošljavanje Kantona Sarajevo“ Sarajevo
- Izvjestilac ispred Javne ustanove „Služba za zapošljavanje Kantona Sarajevo“ Sarajevo
- Zapisničar
- Drugo: _____

izjavljujem da sam prije početka sjednice upoznat/a da će se sjednica Upravnog odbora Javne ustanove „Služba za zapošljavanje Kantona Sarajevo“ Sarajevo tonski snimati radi potpunijeg i tačnijeg sačinjavanja zapisnika.

Saglasan/na sam da se moj glas, izjave i druga obraćanja iznesena tokom sjednice snime i obrađuju isključivo u svrhu sačinjavanja zapisnika sa sjednice, u skladu sa Zakonom o zaštiti ličnih podataka i važećim Poslovnikom o radu Upravnog odbora.

Potvrđujem da sam upoznat/a:

1. Da će se tonski zapis koristiti isključivo za izradu zapisnika sa predmetne sjednice;
2. Da pristup tonskom zapisu imaju samo ovlaštena lica određena Poslovnikom o radu Upravnog odbora Javne ustanove „Služba za zapošljavanje Kantona Sarajevo“ Sarajevo;
3. Da se tonski zapis čuva do usvajanja zapisnika sa sjednice na koju se odnosi, nakon čega se trajno briše;
4. Da se tonski zapis neće koristiti u druge svrhe niti ustupati trećim licima;
5. Da obrada mog glasa kao biometrijskog podatka (tonsko snimanje), spada u posebnu kategoriju ličnih podataka koji se obrađuje u navedenu svrhu.

Ovu saglasnost dajem dobrovoljno, slobodno, informisano i nedvosmisleno za sjednicu Upravnog odbora održanu dana _____. godine.

U Sarajevu, dana _____

Potpis